

五大洲述界錄

一函
四冊

五大洲述異錄卷二

吳縣縣志舊主編輯

上海曠觀仙史校字

曠死

小呂宋地近赤道。酷熱逾恆。乃有華工數人。約於炎天烈日之下。露頂裸身而臥。能閱兩點鐘之久。不畏炎酷。則領取彩銀十二元。議既成。解囊贖金。作為公注。隨有二人偕至曠野。高臥板凳。以決輸贏。時方下午兩點鐘。酷暑如焚。甚於熾炭之相逼。為時未幾。同博者抱頭鼠竄。恍從輪下抽身而去。惟一人強勉支持。似守抱柱之信也者。當諸人分散之時。彼尚嘻笑自若。久之而不言不動。如土木偶人。惟見其豎起脊梁。無異金剛兀坐。將及兩點鐘之際。忽焉墜地。輾轉再三。諸人避向樹陰下。遠遠觀之。共歎為寡二少雙。疑從火燄山中幾經修煉也。迨越時已久。依然箕踞不去。又疑其有貪勝心。故示人以餘勇可賁。及就近審視。則見氣息俱絕。始驚知其到了十二分大候。早隨白日飛昇矣。昔魯君因

天時久旱欲暴巫尪而致雨進言者猶以為不可乃竟有徇一時之戲謔甘受苦惱卒至死而無悔者推是心也取義而舍生見危而授命雖赴湯蹈火必能為之裕如惜其死輕於鴻毛建博一場笑話已耳

葡萄牙建國記

蓋聞天下之輿圖甚廣不歷滄洲之大無以知澤國之縱橫也不窮島嶼之墟無以知人民之錯雜也間嘗考歐洲形勢泰西人建邦啟土實繁有徒而其間有葡萄牙國焉地形狹長約約一千三百里橫約五百里東北則附近西班牙正如書所云湯居亳與葛為鄰如傳所云號為虞之表輔車相依也西南距大西洋海烟波浩渺環繞其間詩言滔滔江漢南國之紀不且大略相同耶且又環繞皆山也層巒聳翠上出重霄自其迹觀之山環水抱而進可以攻退可以守非所謂表裏山河必無患乎溯葡萄牙開國之初有英給黎者為西班牙之臣累立戰功遂受封於西班牙土撫有盧西達尼亞數城之地其後英給黎之子亞豐蘇襲英給黎位伐回部大破之土宇漸廣宋哲宗紹聖元年國人奉以

為王厥後嗣征回部盡有。盧西達尼亞之地與西班牙並峙。由是廣土衆民而奄有其地矣。而奄有其民矣。平原饒沃遍野。葡萄故其國之得名。殆以是歟。其大河有三。曰米虐曰斗羅曰德人。皆發源於西理牙。由其西境入海。而都城建於德人河右。跨山臨水。樓臺疊起。規模亟為壯麗。內有大書院。選育人材。故葡國名人皆由此出。至米虐斗羅二河。縱約二百五十里。橫約一百五十里。其地樹木成林。牲畜蕃行。所產多軍器鐵器金銀器皿。始則國分六部。後則國分八部。相助為理。有條不紊焉。至葡萄牙之西。大西洋海中有羣島。距葡境約二千餘里。葡人探得之。壑為外部總名曰亞索利亞。各島天氣晴和。水土平善。產五穀南果極多。是能於寥遠之域為壑開之謀。此又開疆拓土之一道也。且夫歐羅巴之大國亦正不一矣。而葡萄牙之在歐洲。其土地所管轄。雖未能若大國之廣遠。其人民所統屬。雖不能若大國之庶繁。然而事國久遠。歷數百年。繼繩勿替。則有可記錄焉。至其民雄健好武。尤善駛船。無遠弗屆。故西人之至粵東澳門者。則自葡萄牙始。初葡人有濠境之請。當事者利其居積貨實。便於供辦。

遂允其所請願為一枝暫借其人得此奧宅以其餘資廣築樓館而歐羅巴諸國來粵者倚為東道主至今該國人之居澳門已數百年而生齒日繁矣我聖朝懷柔遠人克盡撫綏之道修好鄰國更示寬厚之情今後謐立中葡兩國通商條約俾各敦和好永遠相安遂令人曠懷時事不禁俯仰情深也

披虎皮

士華思蘭國之王將行踐阼禮其國人乃四出畋獵以尋獅子老虎野牛巨蟒四物蓋其國俗凡王踐阼日必殺前四物而取虎獅牛之心以果王腹取蛇膏塗王身然後置牛首於地王則披獅皮以出坐於牛首之兩角間翌日改披虎皮至三日始衣王服出受酋長民人等慶賀是真絕異之俗也

嘉羅連島

東半球之太平洋有羣島焉名曰嘉羅連乃西班牙所屬也島中有嶼名稱森神地雖偏小然自小呂宋航海至此沿途所經以是嶼為最嶼中地土肥美草木叢茂一嶼之廣無荒土焉嶼之濱積砂成灘怪石巖巖剝饒古致地分五部

落土者約五千人餘。其國種類約五十名。或因傳教而來。或由通商而至。亦有漁船失事留寓此間者。編居無猜。渾渾噩噩。猶有太古遺風。島之四週地雖平坦。漸入則崗陵重疊。路曲山迴。中有小溪可通。來往野艇人來。恰受兩三。其即古之桃源歟。島中所產以椰子為最盛。餘如麵蕉。椰子。檳榔等類。漫山遍野。如取如搗。弗禁也。島之人名曰嘉拿。家士。面貌淺黃。形容古怪。不知耕織。平時刺御皮為衣。編葉為裳。如上古衣毛茹血狀。惟當陰雨連綿。氣候寒凍。則覓洋人舊衣禦寒。亦可憐矣。士人亦尚脩飾。而非衣服珍貴之類也。法以利刃雕鏤其身。為花草樓臺人物諸狀。入以顏色。豔麗可觀。色以黃藍為上。殆所謂文身之俗歟。性喜穿耳。惟所帶雙環而外。或綴奇花。或繫烟袋諸物。他人見之。恆以為苦。彼固怡然自得。蓋習慣使然也。婦人脩飾與男子異。男子雕刻多在上身。婦人多在小腹及兩足。其刀法之工。顏色之美。如錦簇花團。雖寫生妙手。無有出其右者。奇觀哉。又性喜穿靴。靴色尚紅。著後永不復脫。直至破爛而後已。所最異者。男女身膚塗抹膏油。污穢不潔。臭氣撲鼻。令人聞之欲嘔。海外有逐臭之夫。

此其是歟。至其日用飲食。以生菓禽卵雞羊野鹿為大宗。調以椰油土人甘之。如飴。謂八珍不啻也。婚姻一事。男子作主。在室之女。任自施為。無所拘束。乃如後。則為夫所制。役如奴婢。痛苦不堪矣。島中刑罰甚重。犯事者自十八歲至二十歲。割其手足之半。若自四十至五十歲犯事。則盡斷去之。慘刻極矣。島中亦有首目。世及相傳。外人不得攪越。首目以鮮花香草作冠。所以示區別也。島中水土甚佳。故西班牙人屢至其地。征勦亂匪。未聞有患病者。惟天時多雨。雖不至暗無天日。而狂風暴雨。電掣雷鳴。幾於無日無之所幸。地土肥美。物產繁滋。居民衣食不假外求。誠海外之樂土也。故濡筆記之。

墨西哥國

有友由墨西哥國回華者。言墨國水土平善。田壤饒沃。與美國舊金山一埤不殊。查舊金山在美國之加拉寬尼亞省。原屬墨國土地。而為美國攻奪者。祇四十餘年耳。墨國天氣寒暖得中。夏月卓午之頃。寒暑針在陰處者。最高升至八九十度。至夜仍有涼風吹送。至若銀礦之美。富甲天下。美國殷商多向該國購

地開采在礦傭工華人每日工銀一圓五角。中有一礦廠雇用華人一百七十二名。其七十二人係由舊金山雇往者。其百人係去秋西人托舊金山華商回華代雇者。其人皆廣東新甯縣下方附近都服街一帶之人。百人往墨之時係由香港附輪船至舊金山大埠換坐輪船始抵墨國。現在墨國為工商者數千之衆。由舊金山往者過半。餘俱由香港至金山而轉達者。工人受傭得資其價頗優。即洗衣賤工每件工錢一錢八分。製造番鞋獲利較厚。肉食之價亦不甚昂。猪肉每磅價銀十二仙。士牛肉每磅價銀八仙。士每磅伸中國十二兩。每仙士伸中國銀七釐二毫。傭工者工資所入餬口之外儘多餘羨。茲者墨國整頓商務不遺餘力。正在添築鐵路撥公款以助輪船公司經費。每月開放輪船一次往來於中國日本檀香山等處接運客人貨物。以往該國該國輪船公司初擬於華曆七月二十七日暫由澳門啟行。茲聞改期於八月初六日啟程。每客位船紙價銀七十二元。此次搭客多屬新甯之人。緣去秋甯人往墨者前兩期金山輪船到港各有銀洋寄家。并言彼處營運獲利頗易。故往墨者莫不爭先。

恐後云。

冰上行舟

墨西哥國地居北極。荒漠窮寒。而河湖錯雜。又復水多於陸。每交冬令。水中冰厚數尺。堅勝銅鋪。土人舁物往來。每藉人力。今思得新法。製成冰舟一種。狀若犁耜。首尾尖銳。上鋪厚板。下有小刀。若鋸齒。舟後有舵。以便操縱。舟中帆檣等物。無不備具。每舟可乘三四人。御風而行。左宜右有。其速可敵火車。誠妙用也。

雲中跳下

西人實邊沙。精於氣學。近來遊抵新嘉坡。遂於下午五點鐘之際。演放氣球。以新叻地諸人之眼界。先是實邊沙向國家請准。在梧槽附近。自來大局之處。擇得曠地一所。支木為場。圍以燕章。以為升球之地。并請坡中軍樂到場演奏。以助雅興。是日下午三點鐘後。觀者漸集。場以內不下二千人。場以外人山人海。不能悉數。場中預備氣球一具。上書西字。譯言印度君皇后。蓋即英皇尊號。而以之名球也。四點餘鐘。施放小球數事。以娛眾目。迨至鳴鐘。五報氣球之氣。陸

續佈滿。實君於是身繫水帶。內裹乾糧等物。手持機傘。坐於球下。疾聲一呼。凌空而上。及至入雲之際。君乃持傘從空跳下。飄然而墮。約及二百餘尺。乃張其傘。若凌雲然。於是乘風徐落於爪亞街口之穆拉油廟堂中。其氣球則仍直上。至數千尺。輕氣全無之處。始如飛鳥之墮於小坡海傍。一時觀者咸共擊掌贊美。少坐未幾。實君即乘車而返。諸人見其歸也。又共喝采以迎之。實君乃對眾云。余素有志學飛。故特先製此球。以資演練。當余乘球上昇之時。見本坡海色。山光。地方人物。依稀都在目前。頓覺興致大佳。既而所昇漸高。則見山如豆。而海如杯。彼林林總總之傳。已覺細如黍粟矣。余初意本欲扶搖直上。透達層霄。但此事最要識風。今日風氣似不甚佳。故僅昇至英度一千八百餘尺。即行跳墮。詎至英度二百二十餘尺。始開機傘。此亦看風色以為之準。實有不能預定者。計自乘球而起。至墮地之際。不過僅越七分鐘之久。今承諸君俯賜鑒觀。欣幸莫名。余不日將入遠行。不能與諸君歡聚。惟余有學飛之願。他日倘此志能成。飛來叻地。重與諸君相見。以慰生平言畢。聽者又喝采者三而散。

正人倫

向聞泰西各國於人倫之道貞淫之義不甚講究。今觀柯斯休妻一案。始知中外一理矣。英京爵臣馬嬌活之女。美而豔。為處女日。即有子南子哲。爭為妻禽。無如其父擇婿極苛。女亦自負不淺。故雀屏之選。未易其人。嗣有富室兒名柯斯者。有石崇之富壯。而未婚。女悅之。遂諧秦晉。自娶之後。琴瑟極諧。柯斯向為營官。嗣以家有豔妻。遂隱居不仕。享園林之樂。室對芙蓉。似此遭逢。殊屬人生樂事。婦亦極為恩愛。跣步不離前後。共生子女五人。未嘗偶占脫輻。方謂赤繩繫定。緣綺常諧。地久天長。永無遐棄矣。不料柯斯近在英京。控婦有外遇。願與離異。立回休書。嗣提婦對簿。則供稱向守婦德。並無射緣。柯斯不願醜聲外揚。故於控告之時。未曾指明姦夫名姓。繼以騎虎難下。因言婦與英京下議院議員巴里義有私。桑中之行。匪伊朝夕。乃傳巴里義至。三人對案。辯論不休。嗣有柯斯之家人數名上堂指證。或言其伺隙輒至。與婦調緣。枕席之歡。不知凡幾。常於私會之際。忽聞主人歸來。彼即或由後門而奔。或由騎樓跳下。迨主人入

室復叩門相訪。爲始至也。者形迹極密。故主人不知。又有言。彼知主人他出。即宿於婦家。常有閱數日夜不去者。其餘或言親見其穢狎之狀。或言親聞其淫媾之聲。各供皆鑿鑿而言。並無閃爍承審之西憲。與陪審之人員。咸謂所控不虛。准與休棄。至於婦能否將錯事已里義以終。則未得而悉。惟已里義乃埃爾蘭會黨之長。頗有名望。此事一播。人皆鄙之。

護船妙製

現在英京格致家。究得一物。名曰屈打乙。其物之狀。頗類樹乳。而無膠滯。其性又與樹乳相殊。樹乳等物。遇火即化。而屈打乙。則否。前者曾經攷其性質。先以屈打乙製成一牌。以炮轟之。炮彈透牌而入。乃彈過後。牌口即時復合。並無傷損痕迹。立即超前細驗。亦不知彈子之從何處穿過。此物一出。人多慕之。現已有某國向英國購造魚雷船兩艘。其船底內外層。均以鋼爲之。其中則夾屈打乙於內。俾爲護船之用。設受炮傷。其口可即時復合。不至破裂傷損。以致入水。是亦近時之奇物也。

威士哥沙島風土小記

友有自南洋那威士哥沙地方回者。談該處風俗云。該地僻處南洋。孤懸一島。為英國所屬。島中土人穴居野處。不知稼穡。食草木之實。飲鳥獸之血。恍與上古洪荒相似。然素性純良。孝友相尚。父母有疾。為子者晝夜旁皇。以頭觸地。願以身代。及父母病歿。則踴踊號哭。自擊其首。願與俱死。此雖愚孝。而人心不昧。天理常存。亦自可嘉。一山之中。俱有病故者。別山之人亦代舉哀。以寓物傷其類之意。婚姻之道。無所謂納采問名。若某家有女。願為之壻者。間時獵取魚鳥等物。供奉其父母。殷勤備至。俟岳家歡喜。即與其女同居。常有一夫而得數妻者。怡然共處。不聞詬詈之聲。無俟倉庚療妬。其素性然也。土人善騎射。削枝為標。射必中的。標無虛發。男女無衣。無褐。惟以藤絲縛樹葉圍遮下體。以閉其羞。男女初生時。即用炭灰漆其身。不知何所取義。及至壯歲。每將身之前後。用利石劃破。如人字樣。然後撮沙土填之。及傷口既愈。則沙藏於內。外現紅線一道。頗覺可觀。此島自歸英人管轄。後施以教化。土人薰陶漸染。野習漸改。而素性

亦漸滿。島中現有華人數十名。粵居其半。大約新往是處貿易者。

紀阿爾蘭國事

英大國也。幅員之廣。跨越五洲。倚印度為外府。環印之地。萬數千里。諸侯王相率而請英之將帥坐鎮其地。無事則英食其租稅。英有四方征伐之事。徵兵集餉。悉索以從。直以馬箠笞走之。而莫敢誰何。宜乎威無不加矣。然務於遠者。或畧於近。明於大者。或昧於小。此何故歟。按英國始建三島鼎峙。阿爾蘭固根本之所繫也。其民俗倔強。意氣自矜。莫為人下。英執政欲綜攬網維。一其政令。久矣。無如島民悍鷙性成。馭之之術尚寬。則驕尚猛。則怨。其民之桀黠者。倡為異說。曰。上古之世。君不甚尊。民不甚卑。國不甚富。家不甚貧。為今之政。宜均貧富。苟欲均之。必析物產。況我所居之地。與英倫相懸。固應自為一國。別立議院。何遙制為。按阿爾蘭一島。在倫敦之西偏。南北約七八百里。東西約五六百里。與法蘭西隔港相望。地分三十二部。別建一國。海外稱王。未為不可。然既籍隸英倫。一衣帶水之外。如臥榻耳。豈容他人鼾睡。昨閱外洋來電。謂阿島時事正

復紛紜有黨魁四人力抗租稅相率而言曰有人民而後有土地有土地而後有財用以島間之財用何不利我土地人民而轉輸他境也英設邏卒偵獲之逮繫倫敦將置諸法或謂阿島之亂當前數年嘗鎮之以兵勦撫並用矣往復相循亂猶未已今乃嚴刑峻法以驅其民是猶火已炎水已沸復從而新之雖欲已亂其可得乎然而欲弭其亂仍不外乎用寬用猛兩途用寬則極其寬用猛則極其猛極其猛則畏極其寬則感惟畏與感可以化民為英人計首除島間苛禁輕徭薄賦休養其民惟擇人望所歸者每部一人置議員三十二許其設院議事詢謀僉同而後達諸英廷集議是否務從民欲以柔其心久而自化策之上也次則莫如易極寬為極猛臨以大軍盡徙其民編營他所掃全島而空之如漢武徙甌越民處江淮間故事以英國之大幅員八百萬方里一島去留何關輕重而肘腋之患除心腹之疾愈然後高掌遠蹕東向以爭太平洋之利霸業之成其在斯乎

好望角駝鳥羽

明璫翠羽。靚姹女之新妝。雲髻花翹。綴瑤闥之芳釵。婦飾固沿襲古今。風尚弗
區分中外。亞非利加洲有一地名好望角。乃英國屬境。氣爽天高。實產駝鳥尾
翹羽。毛光潔飄飭。令人生愛。蓋文鳥也。西國婦女每喜以此飾冠髻。而值價遂
因之漸昂。計自十五年前。始有人蓄此鳥八十隻。售其羽得值頗奢。人爭蓄之。
一載中獲鳥羽一萬七千八百七十三觔。值法金二百萬佛郎克。越數年人益
寶貴。價便奇昂。每駝鳥毛一觔。值法金九十七佛郎克。此猶在地之價也。若運
往各國。則其貴倍徙。至西歷一千八百七十四年。祇以英一國而論。已售去鳥
羽十萬六千九百十八觔。價值法金八百九萬一千七百二十五佛郎克。閨閣
中皆不惜重貲以購之。蓋風尚既開。一若舍此無可為飾者。吉光片羽。彌足珍
已。

象牙

周禮有象路。以象牙飾其車也。詩云佩其象揅。注為摘髮之具。是以象牙作篋
也。漢制天子之火籠。以象牙為之。想周漢之時。馴象之法未精。故產牙不多。凡

用象飾者皆極貴之人。堂皇之器。射用象箸。即以為淫巧。以為奢侈。其貴重也。皆此等。至今茲象牙出數愈多。民間器用玩物。皆取以為飾。而西人之用益繁。按西報云。象之為獸。五大洲皆有。亞非利加洲所產最大。其牙有重至二百八十斤者。厄瓜到地方所產。理緻精潔。顏色純白。雖經雨露。歷久不變。亞細亞洲之暹羅國所產。重不過數十斤。而晶瑩密緻。宜於雕刻。是二處所產為佳。其餘亞立山。龐勃尚齊。巴善望峽。毛上坡。各處所產。皆不逮焉。以英國徵稅之冊考之。每歲象牙之入英者。約有七十餘萬斤。即其輕重以計象數。則英國所用之牙。已須殺四萬四千餘象。他國所用。可類而推。或謂象牙之所產。未必皆殺象所致。不知象牙一物。以殺而得者為上。自死者次之。脫落於野者。雖或有之。其色滯。其質枯。不適於用。越南志中曾詳言之。而濱海賈客所述。亦復云然。

捉象

南印度之東南。有地名錫蘭者。海中大島。週迴千餘里。中有崇山高阜。近海窪下。時多淫雨。迅雷。而山川靈秀。林木繁綺。禽獸之聲。啁啾悅耳。林麓中恒產大